



UNDANG-UNDANG MURTAD DI MALAYSIA

O L E H

INTERNATIONAL ISLAMIC UNIVERSITY LIBRARY	
ORDER NO: 6/177	LOCATION:
DATE RECEIVED: 4/12	PL.
ACC. NO: 128764	
CALL NO:	
ASHAARI HJ. MOHD. YAZID	

G 911144 DAIJ 1991/92

Kertas Projek ini dikemukakan kepada Fakulti Undang-Undang Universiti Islam Antarabangsa Bagi Memesuki Sebahagian Syarat Untuk Mendapatkan Diplome Undang-Undang Dan Pentadbiran Kehakimen Islam.

PENYELIA

PROF. DR. MAHMOOD SAEDON AWANG OTHMAN

FAKULTI UNDANG-UNDANG
UNIVERSITI ISLAM ANTARABANGSA
PETALING JAYA
SELANGOR DARUL EHSAN

D A F T A R I S I

		Halaman
	PENGHARGAAN	i
	PENDAHULUAN	ii
BAB I	DEFINISI, PERMASALAHAN DAN SEJARAH MURTAD	1
	Sebab-Sebab Berlakunya Murtad	4
	Perkara-Perkara Yang Menyebabkan Rosaknya Iman Dan Islam	8
	Syarat-Syarat Sah Murtad	23
BAB II	PERUNTUKAN MURTAD DALAM AL-QURAN DAN SUNNAH SERTA SEJARAHNYA	30
	Murtad Mengikut Persepektif Hadis Nabi SAW	37
	Sikap Rasulullah SAW Terhadap Orang Murtad	42
	Peristiwa Murtad Di Zaman Khulafa Al-Rasyidin	47
BAB III	FAKTOR FAKTOR YANG MENYEBABKAN MURTAD	57
	Unsur-Unsur Dalaman	58
	Beberapa Pandangan Mengenai Kes Murtad	60
	Unsur-Unsur Luaran	69
	Kesan Sejarah	86
	Inggeris Dan Penyebaran Kristian	87
BAB IV	HUKUM MURTAD DAN IMPLIKASINYA	92
	Prosidur Pensabitan Murtad	107
	Status Orang Murtad	109
BAB V	UNDANG-UNDANG MURTAD DI MALAYSIA	113
	Sejarah Awal Undang-Undang Murtad Di Malaysia	113
	Implementasi Undang-Undang Murtad Di Malaysia Kini	116
	Peruntukan Murtad Dalam Undang-Undang Keluarga	139
BAB VI	PENUTUP - BEBERAPA CADANGAN PENILAIAN DAN KESIMPULAN	142
	Perlembagaan Persekutuan	143
	Tanggungjawab Kerajaan Persekutuan Dan Kerajaan Negeri	144
	Sistem Kehakiman	145
	Murtad Dan Kebebasan Beragama	146
	Penutup	147

PENGHARGAAN:

Alhamdulillah, segala puji dan puja hanya saya tertentu Kehadrat Allah SWT, Selawat dan Salam dipanjatkan ke atas junjungan besar Nabi Muhammad SAW, Nabi akhir zaman pembawa obor hidayah.

Bersyukur saya Kehadrat Allah SWT kerana dengan iradar dan inayah-Nya saya dapat menyiapkan kertas projek ini.

Kertas Projek ini bertajuk Undang-Undang Murted Di Malaysia, ianya disusun bagi memenuhi sebahagian daripada syarat bagi memperolehi Diplome Undang-Undang Islam dan Pentadbiran Kehakiman Islam.

Saya mengambil peluang ini bagi merakamkan penghargaan kepada Penyelia saya Prof. Dr. Mahmood Seedon Awang Othman atas bimbingan dan tunjuk ajarnya hingga sempurnanya tulisan ini.

Penghargaan ini juga saya tujukan kepada Pihak Jabatan Hal Ehwal Agama Perak yang telah bersedia memberikan peluang kepada saya bagi menyempurnakan Diplome ini. Juga tidak ketinggalan kepada Pihak JPA (Jabatan Perkhidmatan Awam) dan Pusat Islam di atas sumbangan mereka kepada projek ini. Semoga dengan adanya program ini dan kesinambungannya akan meningkatkan lagi kewibawaan pegawai-pegawai di Mahkamah Syariah kelak.

Akhirnya saya berdoa agar segala amal kebajikan yang kita lakukan akan diganjerkan pahala oleh Allah SWT.

Ashaari Bin Haji Mohd. Yazid
Pejabat Agama Daerah
31000 Batu Gajah
Perak Darul Ridzuan

6 Zulhijjah 1412
7 Jun 1992

PENDAHULUAN:

Murtad adalah merupakan persoalan yang besar yang perlu diselesaikan oleh umat Islam khususnya, pihak pemerintah. Murtad adalah termasuk ke dalam hukum had yang telah ditentukan hukumannya oleh syariat Islam.

Islam sebagai agama yang unggul telah menyiapkan penyelesaian kepada setiap persoalan. Tidak ada kekurangan yang tidak ditutup oleh Islam. Islam adalah agama yang anjal dalam setengah perkara, tetapi tegas di dalam setengah perkara.

Islam memberi kebebasan kepada umat manusia untuk memeluk Islam atau tidak. Tidak paksaan dalam beragama. Islam memberi kebebasan kepada manusia untuk memilih yang terbaik untuk mereka. Inilah keenjolan Islam.

Kelembutan Islam tidak terhenti dinoktah itu sahaja. Islam menyediakan hukuman bunuh kepada seseorang yang murtad daripadanya. Disinilah letaknya ketegasan Islam. Sesungguhnya sebelum seseorang mengikut agama Islam mereka telah berfikir dengan semaksimal akan keuntungan dan risiko memeluk Islam. Oleh yang demikian bila mereka ini bertindak keluar dari Islam bererti mereka telah mengkhianati agama Islam Yang Maha Suci.

Tiada belesen yang lembut untuk pengkhianat. Mereka bukan sahaja mengkhianati Islam malah mereka juga mengkhianati Allah dan Rasul-Nya. Oleh kerana besarnya perkara murtad ini maka Al-Quran telah menyebut sebanyak 13 kali berkenaan murtad disamping Sabda-sabda Nabi SAW.

Murtad adalah jenayah yang tua. Bermula dengan Musailamah di zaman Khalifah Abu Bakar hinggalah ke zaman sekarang. Fenomenanya tidak henti-henti.

Undang-Undang mengenai murtad tidak disebut dalam Undang-Undang di Malaysia dalam bentuk penalti. Malainkan dalam peruntukan Undang-Undang Keluarga, itupun hanya dalam bab cerai. Ini adalah suatu ruang kosong yang amat ketara yang telah (sengaja/tidak) ditinggalkan penggubal undang-undang.

Murtad adalah satu daripada undang-undang hudud yang ada dalam Islam. Jika jenayah-jenayah lain diberikan peruntukan apa kedar maka mengapa murtad ini diabaikan? Soalan ini harus dijawab.

Tulisan ini hanya sekadar mengajak kita semua memikirkan dan merenung beberapa persoalan murtad. Semoga dengan renungan ini satu penyelesaian akan dapat dirumuskan satu Undang-Undang Murtad akan dapat dipraktikkan. Insyaallah kita akan dapat bersandar lega bila dipersoalkan di akhirat nanti, setelah usaha telah kita lakukan, kepada Allah jua kita berserah.

BAB I

DEFINISI, PERMASALAHAN DAN SEJARAH MURTAD

Orang-orang yang meninggalkan agama Islam dikatakan murtad. Ianya boleh terjadi sama ada dengan niat, kata-kata kufur atau perbuatan yang dilakukannya sama ada dengan berguru senda, atau inad (ingkar). Menurut Abu Bakar Jabir Al-Jazeiri, di antara orang yang termasuk dalam golongan murtad ialah orang Islam yang menjadi pengikut atheis dan komunis.

Murtad bermakna kembali kufur setelah Islam. Ijmak Ulama menyatakan bahawa seseorang muslim yang ingkar kepada apa-apa yang ditetapkan oleh Allah s.w.t. adalah menjadi murtad, yakni kufur setelah Islam kecuali ianya benar-benar jahil. Tetapi sekiranya diberitahu dan ditegahkan hujjah namun dia masih tetap dengan keingkarannya maka adalah dihukumkan kufur dan murtad. (1)

Dalam Kitab Minhaj Talibin, Imam Nawawi telah menyebutkan murtad ertinya memutuskan Islam dengan sengaja kerana niat atau perkataan atau perbuatan yang mengkafirkan, sama ada secara memperolok-olok atau menentang atau yang diiktigadkan. (2)

Riddah atau murtad artinya berbelik menjadi kafir setelah beragama Islam dan orang yang melakukan demikian dinamakan murtad. (3)

Dari definisi yang diberikan di atas nyatalah bahwa perkataan murtad adalah merupakan pertukaran agama yang dilakukan oleh orang Islam. Walau bagaimanapun perbuatan ini boleh berlaku dengan berbagai-bagai cara dan kadang-kadang dalam keadaan tidak sadar.

Murtad terjadi hanya pada mereka yang waras, iaitu mereka yang baligh, berakal dan dengan ikhtiar (tidak dipaksa). Kanak-kanak, orang gila atau orang yang dipaksa tidak sah riddahnya biarpun ia melakukan perkara-perkara yang boleh menyebabkan seseorang itu murtad.

Dari tekrif yang diutarakan juga menjelaskan kepada kita bahawa mereka yang enggan mengerjakan apa-apa yang disuruh oleh Allah S.W.T. seperti sembahyang, zekat, puasa atau haji boleh dikatakan murtad endainya mereka menafikan tugas menjadi tanggungjawab mereka. Oleh yang demikian seseorang yang tidak mengerjakan suruhan wajib hanya kerana meles padahal ia skur dengan kewajipan kedua-dua ibadat tersebut, maka ia tidak dihukumkan dengan murtad.

Begitu juga dengan seseorang yang melakukan perbuatan yang ditegah atau dilerang oleh Allah S.W.T seperti berjudi, berzina, meminum minuman yang memabukkan dan sebagainya tidaklah dikatakan murtad sekiranya ia sedar bahawa larangan masih berkuatkuasa ke atas dirinya.

Peristiwa murtad ulung dalam sejarah Islam terjadi dengan kematian Baginda Rasulullah (SAW). Golongan yang rasmi murtad terdiri daripada mereka yang baru memeluk Islam. Murtad juga berlaku di kalangan mereka yang telah lama memeluk Islam tetapi tidak mempelajari Islam, terutamanya orang-orang Bedwi yang jauh dari Madinah. Mereka terbiar dan tidak beriman, oleh itu mudah menjadi murtad seperti Firman Allah (SWT):-

حَالَتِ الْأَعْرَابَ آمَنَّا قُل لَّمْ تُؤْمِنُوا وَلَكِنْ قَوْلُوا
اسْلَمْنَا وَلَمَّا يَدْخُلِ الْإِيمَانُ فِي قُلُوبِكُمْ وَإِنْ
تَطِيعُوا اللَّهَ وَرَسُولَهُ لَا يَلِتْكُمْ مِنْ أَعْمَالِكُمْ شَيْئًا
إِنَّ اللَّهَ غَفُورٌ رَحِيمٌ

Maksudnya: Orang-orang Bedwi itu berkata, kami telah beriman, katakanlah (kepada mereka): Kamu belum beriman, tetapi katakanlah, kami telah tunduk. Kerana iman itu belum masuk dalam hati kamu, dan jika kamu taat kepada Allah dan rasul-Nya, Dia tidak mengurangi sedikit pun amalanmu. Sesungguhnya Allah amat Pengempun lagi Penyayang.

SEBAB-SEBAB BERLAKUNYA MURTAD

Murtad boleh berlaku oleh beberapa sebab seperti dengan niat, perkataan atau perbuatan seseorang.

Berniat atau bercita-cita ingin keluar dari Islam (menjadi kafir), seperti berniat hendak jadi Kristian, biarpun niat itu dikaitkan dengan masa tertentu, misalnya: Esok hari, minggu depan dan sebagainya, ataupun niat keluar Islam dengan ber-sandarkan kepada sesuatu, seperti seseorang yang mengancam hendak keluar dari Islam kalau apa yang dituntutnya tidak dipenuhi, ataupun seseorang yang memohon hendak menukarkan namanya kepada nama Kristian di pejabat tertentu kerana dia ingin menukarkan agamanya kepada agama tersebut.

Begitu juga hukumnya dengan seseorang yang menemui pegawai-pegawai tertentu meminta nasihat dengan menyatakan niatnya hendak keluar dari agama Islam. Mereka dihukum sebagai murtad kerana pada hati mereka ada niat untuk keluar dari agama Islam.

Murtad juga boleh terjadi bila seseorang itu beriktihad atau berkeyakinan bahawa agama lain seperti agama Kristian yang telah diubahsuai, betul

disisi Allah, biarpun dia masih mengakui yang agama Islam itu agama yang sebenarnya.⁽⁴⁾

Perkataan yang disebut dengan sengaja atau perkataan-perkataan yang bertentangan dengan hukum-hukum Islam, sama ada perkataan atau perkataan-perkataan tersebut berkaitan dengan hukum ibadah, tauhid dan lain-lain. Perkataan atau perkataan itu hendaklah jelas ataupun boleh ditafsirkan sebagai perkataan atau perkataan-perkataan yang boleh menjadikan seseorang itu murtad seperti mengatakan Allah itu berjasad.

Murtad boleh terjadi apabila seseorang itu menafikan adanya Allah, menafikan Allah SWT itu pencipta alam, atau menafikan kerasulan 25 orang rasul yang wajib diketahui oleh setiap orang Islam, dan juga mendustakan risalah rasul-rasul tersebut.

Murtad juga boleh terjadi jika seseorang itu menghalalkan sesuatu yang diharamkan sesuatu yang haram seperti berjual beli yang nyata, kahwin dan lain-lain lagi.

Orang yang ingkar terhadap sesuatu hukum yang nyata, yang diputuskan oleh Ijmak Ulama, seperti mengurangkan satu rakaat sembahyang daripada rakaat-rakaat sembahyang yang lima waktu, atau melebihi

setu rakaat daripada rakaat-rakaat yang telah ditetapkan dalam sembahyang, juga dikatakan murtad.

Menurut Abdul Kadir Audah, murtad boleh terjadi kerana keengganan melaksanakan hukum-hukum yang telah ditetapkan oleh syariat dan digantikan dengan undang-undang ciptaan manusia kerana asal kedudukan hukum dalam Islam mestilah berdasarkan kepada ketetapan Allah. Hukum lain adalah diharamkan. (5)

Seseorang yang sujud kepada berhala, matahari, bulan dan sebagainya dihukum murtad. Begitu juga, jika seseorang itu rukuk kepada yang lain daripada Allah dengan niat membesarkan objek tersebut sama seperti membesarkan Allah. Jika tiada niat membesarkan objek itu sama seperti membesarkan Allah maka perbuatan tersebut adalah haram.

Perbuatan menundukkan kepala kepada had sekurang-kurangnya rukuk, yang dilakukan sebagai adat kebiasaan, adalah meluruh. Maksudnya had sekurang-kurangnya rukuk di sini ialah perbuatan menundukkan kepala itu dilakukan sekadar kedua belah tapak tangan mencapai kedua lutut bagi orang yang sederhana ukurannya badannya.

Walaupun banyak perbuatan yang menyebabkan seseorang itu murtad, tetapi seseorang itu tidak dihukum murtad sekiranya dia terpaksa mengerjakan perbuatan tersebut atau menyebut perkataan-perkataan itu pada hal hatinya tetap beriman kepada Allah SWT. (6)

Seseorang itu boleh terkeluar daripada Islam disamping sama ada melakukan perkara itu dengan sengaja atau untuk menghina Islam atau kerana keras kepala atau sombong dan takabbur, seperti sujud menyembah berhala atau matahari, bulan dan bintang dan seperti membuang al-Quran dan Kitab-Kitab Hadis di longkang-longkang. Begitu juga dengan melakukan perkara-perkara yang diharamkan beserta dengan menghalalkan perbuatan itu seperti seorang yang melakukan zina dengan iktiqad bahawa perbuatan itu tidak diharamkan. Oleh yang demikian barang siapa yang mengiktiqadkan sesuatu itu halal sedangkan ia telah diijmakan tentang haramnya boleh menjadi kafir dan murtad.

Begitu juga sesuatu yang telah diketahui oleh masyarakat kaum muslimin seperti haramnya daging babi, arak, zina dan sebagainya, maka perbuatan seperti itu tidak syak lagi boleh menyebabkan kufur dan murtad. Akan tetapi seseorang yang melakukan

perkara-perkara yang diharamkan oleh syarak sedangkan dia tidak mengetahui tentang pengharamannya maka ia tidak boleh dianggap sebagai murtad. Sebaliknya jika dia mengulangi perbuatan haram itu selepas mengetahui haramnya maka ia dianggap telah kafir. Tetapi jika dia melakukan perbuatan yang diharamkan sedangkan dia tidak menghalalkannya, maka ia hanya dikira sebagai orang yang derhaka ('asi) dan tidak sampai kepada kafir.

PERKARA-PERKARA YANG MENYEBABKAN ROSAKNYA
IMAN DAN ISLAM

Perkara-perkara yang menyebabkan rosaknya iman dan Islam itu terbahagi kepada tiga bahagian:-

Bahagian Pertama:

Iktiqad kepercayaan yang bertentangan dengan dasar-dasar Islam, iaitu:

1. Iktiqad bahawa alam ini qadim, tidak ada penciptanya, atau alam ini kekal selama-lamanya.
2. Iktiqad bahawa pencipta alam ini baharu, atau menyerupai mana-mana jenis makhluk atau ber-sifat dengan sifat-sifat baharu atau mempunyai anak, isteri, atau berbilang-bilang atau menerima mati.

3. Iktiqad menafikan kebenaran apa yang disampaikan oleh Rasul (SAW) atau iktiqad bahawa Nabi Muhammed SAW yang sebenar ialah yang disebutnya Muhammed yang batin bukan Muhammed yang zahir, atau iktiqad bahawa kerasulan Nabi Muhammed SAW hanya untuk orang-orang Arab sahaja, atau iktiqad bahawa hukum-hukum Islam yang dibawa oleh Nabi Muhammed SAW ialah hukum-hukum lapuk yang tidak sesuai dengan keadaan zaman, atau iktiqad mengingkari mene-mene resul Tuhan, atau iktiqad bahawa ada lagi Nabi dan Rasul yang lain yang diutus oleh Allah membawa syariat sesudah Nabi Muhammed SAW.
4. Iktiqad bahawa tidak ada dosa dan pahala, tidak ada syurga dan neraka, tiada bangkit hidup semula sesudah mati, tidak ada hari qiamat dan segala perkara yang berlaku padanya.
5. Iktiqad bahawa roh orang-orang mati berpindah-pindah dari satu tubuh kesatu tubuh yang lain.
6. Iktiqad agama kafir lebih baik dari agama Islam.
7. Perasaan ragu-ragu terhadap mana-mana satu dari perkara-perkara yang tersebut di atas.

8. Berbalik-belik hati di antara hendak menjadi kafir pada masa yang akan datang. (7)

Bahagian Kedua:

Perkataan, iaitu tiap-tiap perkataan yang mencaci, menghina, merendah-rendah, mengejek-ngejek dan mempermain-mainkan nama Allah, sifat-sifat-Nya, meleikat-melaikat-Nya, rasul-rasul-Nya, kitab-kitab-Nya, ayat-ayat-Nya dan hukum-hukum-Nya serta hukum-hukum yang diterangkan oleh rasul-Nya.

Dan juga perkataan yang menolak, menafi dan mengingkari segala perkara yang sekata alim ulamak mensebitkannya atau menafikannya serta diketahui oleh orang ramai bahawa perkara itu dari agama.

Missalnya seperti ketanya mengenai nama-nama hukum Islam:-

1. Hukum apa ini?
2. Hukum ini sudah lupuk.
3. Zaman sekerang tak patut diherankan riba kerana menghalang kemajuan.
4. Dalam zaman yang serba maju ini kaum wanita tak perlu dibungkus-bungkus.

5. Berzina kalau suke sama suke apalah baramnya.
6. Minum arak kalau tujuan hendak menyihatkan badan untuk beribadat apa salahnya.
7. Berjudi kalau masing-masing sudah rela menerima untung ruginya apa salahnya.
8. Kalau hendak sangat menurut hukum-hukum Islam sampai qiamat kita tak maju.
9. Berkata: Perbuatan yang demikian tidak beradab apabila diceritakan bahawa Nabi Muhammed SAW selepas makan menjilat sisa makanan dijarinya.
10. Berkata: Aku tak mahu memotong kuku sekalipun Sunnah - apabila diberitahu bahawa memotong kuku itu adalah Sunnah.
11. Berkata: Si anu sudah mulai menyelak - semasa ia mendengar azannya.
12. Membaca ayat-ayat suci, hadis nabi dan nama-nama Tuhan dengan cara mempersenda dan mempermain-mainkanya.
13. Kata mengkefirkan seseorang Islam, pada hal orang itu tidak diyakini ada padanya suatu sebab yang menjadikannya kafir. (8)

Behagian Yang Ketiga:

Perbuatan, iaitu:-

1. Tiap-tiap perbuatan yang dilakukan untuk menghormati dan mengganggu mana-mana makhluk dengan cara yang ditentukan hanya untuk membesar dan mengganggu Allah, seperti sujud kepada makhluk walaupun dengan tidak niat untuk menghormatinya sama seperti Tuhan, atau tunduk kepada mana-mana makhluk sehingga sampai kepada had sekurang-kurang rukuk sembahyang dengan tujuan menghormatinya seperti menghormati Allah, kalau tidak dengan tujuan itu maka tidaklah menjadikan orang yang melakukan itu murtad, tetapi hukumnya tetap haram.
2. Melakukan upacara ibadat terhadap sesuatu makhluk yang disembah oleh orang-orang kafir menurut upacara yang mereka lakukan.
3. Melakukan mana-mana cara ibadat terhadap yang lain dari Allah SWT.
4. Meletakkan ayat-ayat suci, hadis-hadis nabi, nama-nama Tuhan, resul-resulnya, malaikatnya dan ilmu-ilmu agama di tempat najis atau kotor dengan tujuan menghina dan merendahkan-nyanya, kalau tidak dengan tujuan yang tersebut maka hukumnya tetap haram.

Demikian juga haramnya menggunakan kertas-kertas yang tertulis padanya ayat-ayat suci, hadis-hadis Nabi dan nama-nama Allah serta ilmu agama untuk membungkus, mengesat serta menyapu sesuatu, tetapi kalau perbuatan yang dilakukan itu dengan tujuan menghina atau memersenda-sendakan maka orang yang melakukan itu menjadi murtad.

5. Meninggalkan Sembahyang:

Orang yang meninggalkan sembahyang fardhu, jika ia ingkarkan wajibnya, jadilah ia kafir murtad keluar dari agama Islam, kerana ia mengingkari satu perkara yang memang diketahui oleh orang ramai bahawa perkara itu adalah satu perkara wajib di atas tiap-tiap orang Islam, selama hayatnya sihat. (9)

Al Ustaz Sa'id Hawa⁽¹⁰⁾ pula telah menulis 20 perkara yang menyebabkan rosak dua kalimah syahadah atau sebab seseorang Islam itu menjadi murtad iaitu:-

1. Bertawakkal atau bergantung selain daripada

Allah berdasarkan Firman Allah:

وَعَلَى اللَّهِ فَتَوَكَّلُوا إِن كُنْتُمْ مُؤْمِنِينَ

Maksudnya: Dan hanya kepada Allah hendak kamu bertawakkal jika kamu benar-benar orang yang beriman.

(al-Maidah: 23)

2. Tidak iktiraf bahawa nikmat itu datangnya dari Allah, baik zahir atau batin, baik kebendaan atau bukan kebendaan, Allah berfirman:

وَأَنْ تَعُدُّوا نِعْمَةَ اللَّهِ لَا تُحْصُونَهَا، إِنَّ الْإِنْسَانَ لِرَبِّهِ لَكَنُفَرٌ .

Maksudnya: Dan sekiranya kamu menghitung nikmat Allah tidaklah kamu dapat menghitungnya, sesungguhnya manusia itu sangat zalim lagi sangat mengingkerinya. - (Ibrahim: 34)

3. Bekerja (beramal dengan tujuan selain daripada Allah. Berdasarkan Firman Allah:

قُلْ إِنْ هَدَيْتُكُمْ إِلَىٰ شَيْءٍ مِّنْ عِندِ اللَّهِ فَخُذُوهُ وَإِن لَّا يَهْدِكُمْ إِلَىٰ شَيْءٍ مِّنْ عِندِ اللَّهِ فَاصْبِرُوا إِلَىٰ حَقِّ اللَّهِ إِنَّ اللَّهَ يَخْلُقُ مَا يَشَاءُ وَاللَّهُ عَلِيمٌ خَبِيرٌ .

Maksudnya: Katakanlah sesungguhnya sembahyangku, ibadatku, hidupku, dan matiku hanya untuk Allah, Tuhan sesuatu alam. - (al-An 'am: 162)

Dianteranya ialah bekerja untuk menegakkan kebangsaan, dan menjadikan kebangsaan itu sebagai matlamat utama, berperang kerana kebangsaan, memimpin supaya orang menyokong dan percaya kepada kebangsaan serta menanamkan perasaan fanatik kebangsaan. Begitu juga bekerja semata-mata kemajuan negara adalah syirik.

4. Memberi kuasa menyuruh dan melarang, menentukan halal dan haram, menggubel undang-undang dan melaksanakan selain dari Allah.

أَلَا كَلِمَةَ الْخَلْفِ وَالْأَمْرِ

Maksudnya: Sesungguhnya serba hukum itu mestilah dari Allah. - (al-A'raf: 54)

5. Mentastati selain dari Allah tanpa izinnya, kerana makna sebagaimana yang kita maklum ialah, tidak ada yang kita petuhi selain daripada Allah. Tast yang disukai ialah kepada Rasul-Nya, kerana seseorang yang mentastati Rasul-Nya bererti dia mentastati Allah:

مَنْ يُطِيعِ الرَّسُولَ فَقَدْ أَطَاعَ اللَّهَ

Maksudnya: Siapa yang mentastati Rasul-Nya sesungguhnya dia mentastati Allah.

6. Menghukum dengan lain dari hukum yang diturunkan oleh Allah atau tidak merujukkan kepada hukum Allah dalam satu perkara. Allah SWT berfirman:

وَمَنْ لَّمْ يَحْكَمْ بِمَا أَنْزَلَ اللَّهُ فَأُولَئِكَ هُمُ الْكَافِرُونَ

Maksudnya: Dan siapa yang tidak menghukum menurut apa yang diturunkan oleh Allah, maka mereka itu adalah orang-orang kafir. - (al-Maidah: 44)

7. Benci sesuatu perkara dari Islam atau benci kepada Islam semuanya. Firman Allah:

والذين كفروا فتعسا لهم وازل اعمالهم،
ذلك بانهم كرهوا ما انزل الله فاحبط اعمالهم

Maksudnya: Dan orang-orang kafir maka celakalah bagi mereka dan Allah menyesatkan amalan-amalan mereka. Yang demikian itu kerana sesungguhnya mereka benci tentang apa yang diturunkan oleh Allah lalu Allah hapuskan amalan-amalan (pahala) mereka.

- (Muhammad: 8-9)

8. Mencintai kehidupan dunia melebihi kepada kecintaan akhirat, dan menjadikan dunia ini sebagai matlamatnya yang unggul. Firman Allah:

وويل للكافرين من عذاب شديد، الذين
يستحبون الحياة الدنيا على الآخرة ويصدون
عن سبيل الله ويبغونها عوجا اولئك في
ضلال بعيد (ابراهيم: ٢ - ٣)

Maksudnya: Kecelakaan bagi orang-orang kafir, kerana kesiksaan yang amat pedih, (iaitu) orang-orang yang lebih menyukai kehidupan dunia dari kehidupan akhirat, dan menghalang (menusis) dari jalan Allah dan menginginkan eger jalan Allah itu bengkok, mereka itu berada dalam kesesatan yang jauh.

9. Menghina sesuatu daripada Kitab atau al-Sunnah atau orang-orang alim yang mempertahankan kedua-duanya atau mana-mana hukum Allah, atau mana-mana syiar dari syiar-syiar Allah.

Firman Allah:

يَحْذِرُ الْمُنَافِقِينَ إِنَّ النَّازِلَ عَلَيْهِمْ سُورَةٌ
تَنبِيئُهُمْ بِمَا فِي قُلُوبِهِمْ قُلْ اسْتَهِزُّوا إِنْ شَاءَ
اللَّهُ بِمَنْ خَرَجَ مَا يَخَذِرُونَ، وَالَّذِينَ سَأَلْتَهُمْ لِيَقُولُوا إِنَّمَا
كُنَّا نَخَوْضُ فِي نَجْوَى بَيْنِنَا وَبَيْنَ آلِ اللَّهِ وَآيَاتِهِ وَرَسُولِهِ
كُنْتُمْ تَسْتَهْزِئُونَ، لَئِنْ لَمْ يَنْتَهِوا عَنْ ذِكْرِ اللَّهِ وَعَنْ
إِيمَانِكُمْ، إِنْ نَعَفَ عَنْ طَائِفَةٍ مِنْكُمْ نَعَفَ عَنْ طَائِفَةٍ
بِأَنَّهُمْ كَانُوا بِجُرْمِيْنَ (التوبة: 74 - 77)

Maksudnya: Orang-orang yang munafik itu takut akan diturunkan terhadap mereka sesuatu surah yang menerangkan apa yang tersembunyi dalam hati mereka. Katakanlah kepada mereka: Terusakanlah ejekan-ejekan (terhadap Allah dan Rasul-Nya), sesungguhnya Allah akan menyetakan apa yang kamu takuti itu. Dan jika kamu tenyakan kepada mereka (tentang apa yang mereka lakukan itu) tentulah mereka akan menjawab: Sesungguhnya Kami hanya bersenda gurau dan bermain-main sahaja. Katakanlah: Apakah dengan Allah, ayat-ayatnya dan rasulnya kamu selalu berolok-olok? Tidak usah kamu minta maaf, kerana kamu kafir sesudah beriman. Jika Kami memaafkan golongan daripada kamu (lantaran mereka taubat), nescaya Kami akan mengazab golongan (yang lain) disebabkan mereka adalah orang-orang yang selalu berbuat dosa.

10. Menghalal atau memberi jalan untuk menghalalkan apa yang diharamkan oleh Allah dan mengharamkan apa yang dihalalkan oleh Allah. Firman-Nya:

انما يفتري الكذب الذين لا يؤمنون
بآيات الله واولئك هم الكاذبون

Ertinya: Sesungguhnya yang mengada-ngadakan kebohongan hanya orang-orang yang tidak beriman kepada ayat-ayat Allah, dan mereka itulah orang-orang pendusta. - (an-Nahl: 105)

11. Tidak beriman kepada semua nas-nas al-Quran dan al-Sunnah yang tetap datangnya dari Rasulullah

SAW:

اختلف من ببعض الكتاب وتكفرون ببعض فما
جزاء من يفعل ذلك منكم الاخذى في الحياة
الدنيا ويوم القيامة يردون الى اشد العذاب
وما الله بغافل عما تعملون

Maksudnya: Apakah kamu beriman kepada sebahagian al-Kitab (Teurat) dan ingkar terhadap bahagian yang lain? Tidalah alasan bagi yang berbuat demikian daripadamu, melainkan kesesatan dalam kehidupan dunia, dan pada hari Qiamat mereka dikembalikan kepada siksa yang sangat berat, Allah tidak lupa daripada apa yang kamu lakukan. - (al-Baqarah:85)